

„Službenim novinama Bosansko-podrinjskog kantona Goražde“.

Broj: 03-11-1113/24

16. 5. 2024. godine

G o r a ž d e

P R E M I J E R

Edin Ćulov, s.r.

597

Na osnovu članova 23. i 24. stav (2) Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15) i člana 61. stav (4) Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj: 2/24, 3/24 - Ispravka i 4/24), Vlada Bosansko-podrinjskog kantona Goražde, na 77. redovnoj sjednici, održanoj dana 16. 5. 2024. g., **d o n o s i**:

#### O D L U K U

**o davanju saglasnosti na Pravilnik za ostvarivanje prava na podizanje nišana/nadgrobnih spomenika i spomen-obilježja**

##### Član 1.

Ovom se Odlukom daje saglasnost na Pravilnik za ostvarivanje prava na podizanje nišana/nadgrobnih spomenika i spomen-obilježja.

##### Član 2.

Ova Odluka stupa na snagu danom objavljivanja na službenoj oglasnoj tabli Kantona, a naknadno će se objaviti u „Službenim novinama Bosansko-podrinjskog kantona Goražde“.

Broj: 03-11-1115/24

16. 5. 2024. godine

G o r a ž d e

P R E M I J E R

Edin Ćulov, s.r.

598

Na osnovu članova 56. i 66. stavovi (1) i (2) Zakona o organizaciji organa uprave u Federaciji BiH („Službene novine Federacije BiH“, broj: 35/05) i člana 61. stav (4) Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Službene novine Bosansko-podrinjskog kantona Goražde“, broj: 2/24, 3/24-Ispravka i 4/24), ministar za boračka pitanja Bosansko-podrinjskog kantona Goražde, **d o n o s i**:

#### P R A V I L N I K ZA OSTVARIVANJE PRAVA NA PODIZANJE NIŠANA/ NADGROBNIH SPOMENIKA I SPOMEN-OBILJEŽJA

#### POGLAVLJE I - OPĆE ODREDBE

##### Član 1.

(Predmet Pravilnika)

Ovim se Pravilnikom definišu korisnici prava, uređuje način i uvjeti za ostvarivanja prava, podnošenje zahtjeva, objava javnog poziva, obavezna dokumentacija, postupak za ostvarivanje prava, određuje visina sredstava, način realizacije, finansiranje prava, kao i druga pitanja od značaja za ostvarivanje prava na podizanje nišana/nadgrobnih spomenika i spomen-obilježja šehidima/poginulim braniocima i umrlim dobitnicima ratnih priznanja i odlikovanja na prostoru Bosansko-podrinjskog kantona Goražde (u daljem tekstu: Kanton) i općina navedenih u članu 1. stav (2) Zakona o dopunskim pravima branilaca i članova njihovih porodica u Bosansko-podrinjskom kantonu Goražde („Službene

novine Bosansko-podrinjskog kantona Goražde" broj: 2/24, 3/24 - Ispravka i 4/24, u daljem tekstu: Zakon).

**Član 2.**  
**(Korisnici prava)**

- (1) Šehidom/poginulim braniocem smatra se lice čiji je status utvrđen rješenjem nadležnog organa, odnosno, lice koje je bilo pripadnik Oružanih snaga Armije Republike Bosne i Hercegovine, Hrvatskog vijeća obrane i policije nadležnog organa unutrašnjih poslova i koje je poginulo prilikom izvršenja dužnosti u toku odbrane od agresije na Republiku Bosnu i Hercegovinu u periodu od 18. 9. 1991. do 22. 4. 1996. godine.
- (2) Umrlim dobitnikom najvećeg ratnog priznanja i odlikovanja smatra se lice čiji je status utvrđen konačnim rješenjem nadležnog organa u svojstvu korisnika prava na mjesečni novčani dodatak (u daljem tekstu: DN RP), u skladu sa odredbama Zakona o posebnim pravima dobitnika ratnih priznanja i odlikovanja i članova njihovih porodica („Službene novine Federacije BiH“, broj: 70/05, 61/06, 9/10, 90/17 i 29/22).

**Član 3.**  
**(Rodna ravnopravnost)**

Izrazi koji su radi preglednosti dati u jednom gramatičkom rodu u Pravilniku bez diskriminacije se odnose na muški i ženski spol.

**POGLAVLJE II - NAČIN I UVJETI ZA OSTVARIVANJE PRAVA**

**Član 4.**  
**(Objava javnog poziva)**

Ministarstvo za boračka pitanja Bosansko-podrinjskog kantona Goražde (u daljem tekstu: Ministarstvo) za svaku godinu, a nakon usvajanja Budžeta Kantona, objavljuje javni poziv za ostvarivanje prava na podizanje nišana/nadgrobnih spomenika.

**Član 5.**  
**(Način podnošenja zahtjeva)**

- (1) Zahtjev za ostvarivanje prava na podizanje nišana/nadgrobnog spomenika podnosi se Ministarstvu na propisanom obrascu.
- (2) Podneseni zahtjev za ostvarivanje prava iz stava (1) ovog člana važi za budžetsku godinu u kojoj je podnjet.
- (3) Zahtjev iz stava (1) ovog Pravilnika može podnijeti porodica, izuzetno, bliži srodnici ili boračko udruženje (u daljem tekstu: podnosilac zahtjeva).

**Član 6.**  
**(Uvjeti za ostvarivanje prava)**

Uvjeti za ostvarivanje prava na izradu i podizanje nišana/nagrobnog spomenika jesu:

- a) da se nišan/nagrobni spomenik podiže licu iz člana 2. ovog Pravilnika;
- b) da se poginulo/umrlo lice nalazi u službenoj evidenciji poginulih pripadnika Oružanih snaga odjela Ministarstva odbrane grada/općina u sastavu Kantona;
- c) da je poginulo/umrlo lice uko-

pano na prostoru Kantona ili općina iz člana 1. stav (2) Zakona.

### **Član 7. (Obavezna dokumentacija)**

Obavezna dokumentacija koju je dužan priložiti podnosilac zahtjeva iz člana 2. ovog Pravilnika za izradu i podizanje nišana/nadgrobnog spomenika jeste:

- a) izvod iz matične knjige umrlih za šehida/poginulog branioca/dobitnika ratnog priznanja;
- b) uvjerenje o pripadnosti Oružanim snagama za šehida/poginulog branioca ili dokaz o dodjeli ratnog priznanja i odlikovanja za umrlog DNRP;
- c) rodni list za podnosioca zahtjeva ili rješenje o registraciji boračkog udruženja;
- d) za refundaciju sredstava: račun na ime podnosioca zahtjeva izdat od strane preduzeća/samostalne zanatske radnje koji su izvršili izradu i ugradnje šehidskog nišana ili nadgrobnog spomenika.

## **POGLAVLJE III - POSTUPAK ZA OSTVARIVANJE PRAVA**

### **Član 8. (Obim priznavanja prava)**

- (1) Po odredbama ovog Pravilnika, u skladu sa jedinstvenim idejnim rješenjem, nišani-nadgrobnni spomenici će se podići svim pripadnicima Oružanih snaga koji su poginuli ili umrli u toku agresije na Republiku Bosnu i Hercegovinu od 1992. do 1995. godine i ukopani na području Kantona i

općina iz člana 1. stav (2) Zakona prema evidenciji odjela Ministarstva odbrane grada/općina u sastavu Kantona, te obezbijediti njihova trajna zaštita i održavanje.

- (2) Nišani – nadgrobnni spomenici, u skladu sa jedinstvenim idejnim rješenjem, podići će se i umrlim dobitnicima ratnih priznanja i odlikovanja sa prostora Kantona i općina iz člana 1. stav (2) Zakona.
- (3) Izgradnju ostalih spomen-obilježja, uz saglasnost Vlade Kantona, Ministarstvo vrši u skladu sa raspoloživim sredstvima za svaku budžetsku godinu.

### **Član 9. (Naknade troškova već podignutih nišana/nadgrobnih spomenika)**

- (1) Podnosilac zahtjeva koji je vlastitim sredstvima izvršio podizanje nišana-nadgrobnog spomenika licu iz člana 2. ovog Pravilnika u skladu sa jedinstvenim idejnim rješenjem, ima pravo naknade troškova podizanja nišana - nadgrobnog spomenika (refundaciju sredstava).
- (2) Visina naknade iz stava (1) ovog člana ne može biti veća od cijene koju je Ministarstvo ugovorilo sa odabranim dobavljačem na izradi i ugradnji nišana - nadgrobnih spomenika za tekuću godinu.
- (3) U slučaju da su licu iz člana 2. ovog Pravilnika podignuti nišani drugog tipa (porodični), ne može se ostvariti refundacija troškova iz stava (1) ovog člana.

**Član 10.**  
**(Donošenje rješenja)**

- (1) Podnosiocu zahtjeva koji ispunjava uvjete propisane Zakonom i ovim Pravilnikom, pravo se priznaje rješenjem koje donosi ministar za boračka pitanja.
- (2) Zahtjevi koji su nepotpuni, neblagovremeni ili ne ispunjavaju uvjete iz Zakona i ovog Pravilnika odbacuju se ili odbijaju posebnim upravnim aktom, u skladu sa odredbama Zakona o upravnom postupku („Službene novine Federacije BiH”, broj:2/98, 48/99 i 61/22, u daljem tekstu: ZUP).

**Član 11.**  
**(Izjavljivanje žalbe)**

- (1) Protiv upravnih akata iz člana 10. ovog Pravilnika može se izjaviti žalba u roku od 15 dana od dana dostavljanja upravnog akta stranci. Žalba se izavljuje, direktno ili putem Ministarstva, Vladi Bosansko-podrinjskog kantona Goražde, tj. komisiji za rješavanje o dopunskim pravima branilaca i članova njihovih porodica u drugom stepenu.
- (2) Drugostepena rješenja su konačna u upravnom postupku i protiv istih nije dopuštena žalba, ali se može pokrenuti upravni spor kod nadležnog suda u roku od 30 dana od dana dostavljanja rješenja stranci.

**Član 12.**  
**(Odabir izvođača radova)**

Na osnovu pravosnažnih rješenja o priznatom pravu na podizanje nišana/nadgrobnih spomenika, Ministarstvo za

svaku budžetsku godinu objavljuje javni poziv za odabir izvođača radova na izradi i ugradnji nišana/nadgrobnih spomenika, u skladu sa pozitivnim zakonskim propisima.

**POGLAVLJE IV - FINANSIRANJE  
PRAVA**

**Član 13.**  
**(Obezbjedenje sredstava)**

Finansiranje prava iz ovog Pravilnika za svaku godinu obezbjeđuje se do visine sredstava odobrenih za ove namjene u Budžetu Kantona.

**Član 14.**  
**(Način isplate sredstava)**

- (1) Sredstva po osnovu priznatog prava na podizanje tipiziranog nišana/nadgrobnog spomenika po zahtjevu lica navedenih u članu 5. stav (3) ovog Pravilnika isplaćuju se odabranom izvođaču radova iz člana 13. ovog Pravilnika.
- (2) Refundacija sredstava propisana u članu 9. stav (1) ovog Pravilnika isplaćuje se podnosiocu zahtjeva na njegov pojedinačni račun.

**POGLAVLJE V - PRELAZNE I  
ZAVRŠNE ODREDBE**

**Član 15.**  
**(Vršenje nadzora)**

Nadzor nad priznavanjem prava i odobravanjem sredstava po ovom Pravilniku vrši Ministarstvo.

**Član 16.**  
**(Primjena općih propisa)**

Na sve što nije regulisano odredba-a ovog Pravilnika supsidijarno se primjenjuju odredbe ZUP-a.

**Član 17.**  
**(Način izmjena i dopuna)**

Izmjene i dopune ovog Pravilnika se vrše na način i po postupku koji važi za njegovo donošenje.

**Član 18.**  
**(Tumačenje odredbi)**

Tumačenje odredbi ovog Pravilnika daje ministar za boračka pitanja.

**Član 19.**  
**(Stavljanje van snage ranijeg propisa)**

- (1) Danom stupanja na snagu ovog Pravilnika stavlja se van snage Pravilnik o uvjetima, načinu i postupku za ostvarivanje prava na izgradnju nišana /nadgrobnih spomenika i spomenobilježja („Službene novine Bosansko-podrinjskog kantona Goražde“, broj: 4/20).
- (2) Sve radnje i postupci započeti prije stupanja na snagu ovog Pravilnika koji nisu okončani, okončat će se po odredbama Pravilnika iz stava (1) ovog člana.

**Član 20.**  
**(Stupanje na snagu Pravilnika)**

Ovaj Pravilnik stupa na snagu danom dobijanja saglasnosti od Vlade Bosansko-podrinjskog kantona Goraž-

de, a naknadno će se objaviti u „Službenim novinama Bosansko-podrinjskog kantona Goražde“.

**Broj: 11-11-614-5/24**  
**17. 5. 2024. godine**  
**G o r a ž d e**

**MINISTAR**  
**Avdo Mirvić, s.r.**

Na ovaj Pravilnik Vlada Bosansko-podrinjskog kantona Goražde dala je saglasnost svojom Odlukom broj:03-11-1115/24 od 16. 5. 2024. godine.

**599**

Na osnovu člana 23. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15 ) i člana 46. Zakona o izvršenju Budžeta Bosansko-podrinjskog kantona Goražde za 2024. godinu („Službene novine Bosansko-podrinjskog kantona Goražde“, broj: 16/23), Vlada Bosansko-podrinjskog kantona Goražde, na 77. redovnoj sjednici, održanoj dana 16. 5. 2024. godine,  
**d o n o s i:**

**O D L U K U**  
**o davanju saglasnosti na**  
**Program za lovstvo za 2024. godinu**  
**utvrđen u Budžetu Ministarstva**  
**za privredu na ekonomskom**  
 **kodu 614 500 – POD 004**  
**- Subvencija za lovstvo**

**Član 1.**

Ovom se Odlukom daje saglasnost na Program za lovstvo za 2024. godinu, utvrđen u Budžetu Ministarstva za privredu Bosansko-podrinjskog kantona Goražde na ekonomskom kodu 614 500 POD004 – Subvencija za lovstvo, u iznosu od 20.000,00 KM.